

An tSraith Shóisearach do Mhúinteoirí

# Junior **CYCLE**

for teachers

Ceardlann Éascaithe AFMÁ



## Gluais na dTearmaí

### Measúnú foirmitheach (An Creat Ich. 35-36)

De réir mar a thugtar isteach níos mó measúnú foirmitheach mar ghnáthchuid den teagasc agus den fhoghlaim i seomraí ranga beidh sé sin mar bhonn agus mar thaca ag an tSraith Shóisearach. Sa mheasúnú foirmitheach, bíonn múinteoirí agus scoláirí ag machnamh conas atá an fhoghlaim ag dul chun cinn agus ag cinneadh ar na chéad chéimeanna eile chun torthaí rathúla a chinntiú. Is cuid ríthábhachtach den mheasúnú foirmitheach an t-aiseolas a thugann múinteoirí dá gcuid scoláirí. Trí réimse de ghníomhaíochtaí measúnaithe, cabhraíonn an múinteoir leis an scoláire an méid atá bainte amach aige a aithint agus an áit ar féidir tuilleadh foghlama agus forbartha a dhéanamh. Chun an cineál foghlama a fheictear thuas a éascú, forbróidh ról an mhúinteora agus dinimic na hidirghníomhaíochta idir an múinteoir agus an scoláire. Cuirfidh múinteoirí níos mó béime ar mheasúnú a fhí isteach ina gcuid teagaisc chun gur fearr an mhonatóireacht a dhéanfaidh siad ar dhul chun cinn scoláirí ina gcuid foghlama agus a aithneoidh siad conas is féidir leo cabhrú le scoláirí machnamh ar a gcuid foghlama agus anailís chriticiúil a dhéanamh uirthi.

### Próifíl Ghnóthachtála na Sraithe Sóisearaí (An Creat Ich. 46)

Sa PGSS tabharfar aitheantas don ghnóthachtáil thar achair uile na foghlama de réir mar a oireann: Ábhair, Gearrchúrsaí, Folláine, Aonaid Tosaíochta Foghlama, réimsí foghlama eile. Beidh eilimintí uile an mheasúnaithe mar bhonn tagartha agus tuairiscithe don PGSS lena n-áirítear, measúnú foirmitheach leanúnach; Measúnuithe Rangbhunaithe; agus gráid CSS ar a n-áirítear torthaí ó na scrúduithe stát-teistithe agus ó na Tascanna Measúnaithe. Beidh formáid a chinnfear go náisiúnta ag an PGSS. Is í an scoil a chuirfidh le chéile é agus gheobhaidh na scoláirí é san Fhómhar i ndiaidh an tréimh bliain, nuair a bheidh torthaí uile an mheasúnaithe ó CSS agus ón scoil ar fáil agus deimhnithe.

### Intinní Foghlama and Torthaí Foghlama (Gluais Téarmaí CNCM)

**Intinn Foghlama:** Is ráiteas é an intinn foghlama i gcomhair ceachta nó sraith de cheachtanna, a chruthaíonn an múinteoir, agus a chuireann síos go soiléir cad é an méid eolais, tuisceana agus cumais a mbíonn an múinteoir ag súil leis ó na scoláirí mar thoradh ar na gníomhaíochtaí foghlama agus teagaisc.

**Toradh Foghlama:** Is ráitis iad na torthaí foghlama i sonraíochtaí curaclaim a dhéanann cur síos ar an tuisceant, na scileanna agus na luachanna a ba chóir do scoláirí a bheith ábalta a thaispeáint tar éis tréimhse foghlama.

**Critéir Ratha** (Gluais Téarmaí CNCM): Tá critéir ratha ceangailte le hintinní foghlama. Is é an múinteoir agus / nó an scoláire a fhorbraíonn iad agus cuireann siad síos ar an gcaoi a n-éiríonn le scoláire i dtasc ar leith. Cabhraíonn siad leis an múinteoir agus

leis an scoláire breithiúnais a dhéanamh faoin gcaighdeán foghlama a bhíonn ag scoláirí.

**Measúnú Suimitheach** (Gluais Téarmaí CNCM): Is suimitheach don mheasúnú nuair a úsáidtear é chun meastóireacht a dhéanamh ar fhoghlaim scoláirí ag deireadh próiseas teagaisc nó tréimhse foghlama. Is é an cuspóir atá leis achoimre a thabhairt ar éachtaí na scoláirí agus a shocrú cé acu agus go dtí cén leibhéal a léirigh na scoláirí tuisceant ar an bhfoghlaim sin trína cur i gcomparáid le critéir ratha chomhaontaithe nó le gnéithe cáilíochta.

### Aonad Foghlama

Nascann aonad foghlama torthaí foghlama a leagann amach go soiléir cad é a ba chóir do scoláirí a bheith ar eolas acu, a tuisceant, agus a bheith ábalta a dhéanamh de thoradh gníomhaíochtaí foghlama agus teagaisc san aonad sin.

### Measúnuithe Rangbhunaithe (MRB)

Is é an cur síos is fearr ar Mheasúnuithe Rangbhunaithe gur ócáidí iad nuair a mheasann an múinteoir na scoláirí ag úsáid tascanna ar leith a bhíonn leagtha amach i sonraíocht an ábhair. Tá cur síos soiléir ar na tascanna, agus ar na critéir mheasúnaithe chun cabhrú le breithiúnas an mhúinteora. Faightear na critéir sna gnéithe cáilíochta a bhíonn nasctha le gach Measúnú Rangbhunaithe. Cé go bhfuil an measúnú cosúil leis an measúnú foirmitheach a tharlaíonn gach lá sa rang, i gcás Measúnú Rangbhunaithe déantar tuairim an mhúinteora a thairseadh i gcomhair Athbhreithniú ar Foghlaim agus ar Mheasúnú Ábhair agus úsáidtear í sa tuairiscíú chuig tuismitheoirí agus chuig scoláirí.

### Gnéithe Cáilíochta

Cabhraíonn na gnéithe cáilíochta le breithiúnas múinteoirí agus scoláirí ar na Measúnuithe Rangbhunaithe agus is iad na critéir iad a úsáidfidh múinteoirí chun na píosaí de shaothar scoláirí a mheas.

### Cruinnithe in Athbhreithniú ar Foghlaim agus ar Mheasúnú Ábhair (AFMÁ) (An Creat Ich. 39-40)


Ag cruinnithe in Athbhreithniú ar Foghlaim agus ar Mheasúnú Ábhair, roinnfidh agus pléifidh múinteoirí samplaí dá gcuid measúnaithe ar obair scoláirí agus tiocfaidh siad ar chomhthuisceant faoi cháilíocht foghlama scoláirí. Beidh gach cruinniú in Athbhreithniú ar Foghlaim agus ar Mheasúnú Ábhair sainiúil d'ábhar áirithe agus díreoidh sé ar an Measúnú Rangbhunaithe ar thug an bliainghrúpa áirithe sin faoi.

### Tasc Measúnaithe (TM)

Is tasc scríofa é an Tasc Measúnaithe a dhéanann scoláirí le linn am ranga, nach marcálann an múinteoir ranga, ach a sheoltar ar aghaidh chuig Coimisiún na Scrúduithe Stáit lena mharcáil. Is é an CNCM a shonraíonn an Tasc Measúnaithe agus baineann sé leis na torthaí foghlama a mbíonn an dara Measúnú Rangbhunaithe bunaithe orthu.

**Cad é is gá a chur in áit chun a chinntiú go bhfaightear an chuid is mó ón seisiún seo?**



**Modhanna aontaithe chun obair a dhéanamh le chéile**



**Ról an Éascaitheora ag cruinniú AFMÁ**

**Cad é atá ar eolas agam?**

**Cad é a ba mhaith liom a bheith ar eolas agam?**

	
--	--

## Roimh an gCruinniú AFMÁ

Mar chéad chéim, ba chabhair ag múinteoirí é spléachadh a thabhairt arís ar roinnt samplaí anótáilte de chuid CNCM sula dtiocfadh siad ar chinneadh maidir le saothar a gcuid scoláirí féin.

Nuair a bheidh a Measúnú Rangbhunaithe déanta acu, déanfaidh an múinteoir measúnú sealadach ar obair na scoláirí bunaithe ar na Gnéithe Cáilíochta. Is féidir na measúnuithe sealadacha sin a leasú i bhfianaise an chomhrá a tharlóidh le linn an chruinnithe don Athbhreithniú ar Fhoghlaim agus ar Mheasúnú Ábhair.

Déanfaidh an múinteoir nóta den tuairiscín a thugtar do gach scoláire agus aon phointe eile ar mian leo nó arbh fhiú dóibh tagairt dó le linn agus tar éis an chruinnithe don Athbhreithniú ar Fhoghlaim agus ar Mheasúnú Ábhair. Is le haghaidh úsáid an mhúinteora féin an nóta sin. B'fhéidir gurbh fhiú freisin nótaí a dhéanamh a dtiocfadh tagairt dóibh le linn an chruinnithe.

Chun ullmhú i gcomhair an chruinnithe don Athbhreithniú ar Fhoghlaim agus ar Mheasúnú Ábhair, aimseoidh gach múinteoir sampla amháin de shaothar scoláire le haghaidh gach tuairiscín, nuair is féidir, agus beidh siad sin ar fáil le plé a dhéanamh orthu ag an gcruinniú.

### Cad é a d'fhéadfadh cabhrú liom ullmhú mar éascaitheoir dár gcruinniú AFMÁ?

## Le linn an chruinnithe AFMÁ

Míníonn an t-éascaitheoir gurb é cuspóir an chruinnithe cur le leanúnachas breithiúnais maidir le saothar scoláirí agus teacht ar thuiscint chomórta faoi chaighdeán foghlama na scoláirí. Ba chóir béim a chur freisin ar luach an chruinnithe ó thaobh an aiseolais a thugtar do scoláirí ar na bealaí ina bhféadfadh siad a gcuid oibre a fheabhsú.

- Iarrann an t-éascaitheoir ar bhall amháin foirne sampla a chur i láthair d'obair a mheas siad nár chomhlíon na hionchais fós. Tar éis cur i láthair gairid ón múinteoir, tosaíonn an t-éascaitheoir plé gearrálta ar an méid atá obair an scoláire ag teacht leis na Gnéithe Cáilíochta cuí. Nuair a bhíonn comhaontú ann agus nuair a dhearbhaíonn an cruinniú an measúnú sealadach, breacann an t-éascaitheoir é sin síos i dTuairisc an Chruinnithe.
- Sa chás nach n-aontaítear, is ceart don éascaitheoir tagairt a dhéanamh do shamplaí anótáilte d'obair scoláirí a chuir an CNCM ar fáil agus, más féidir é, cúpla sampla eile d'obair scoláirí a ndearna múinteoirí eile sa ghrúpa measúnú orthu agus ar bronnadh an tuairiscín sin orthu.

- Ba chóir go mbeadh an t-éascaitheoir ag iarraidh ar pháirtithe teacht ar aon intinn le linn an phlé ar shamplaí ach is ceart an bhéim a chur ar eolas gairmiúil agus scileanna múinteoirí a fhorbairt seachas ar gach duine a bheith d'aon ghuth faoi gach Gné Cáilíochta i ngach sampla.
- Ba chóir gur ar an gcur chuige 'is fearr oiriúint' a leagtar béim agus breithiúnais á ndearbhú le linn an chruinnithe AFMÁ rud a ligeann do mhúinteoirí aontú ar an Tuairiscín arb é 'ar an iomlán' is fóirsteanaí don obair atá á meas.
- Cé gur chóir tréimhse réasúnta ama a chaitheamh ar an bplé, ba chóir don éascaitheoir a bhreithiúnas gairmiúil féin a úsáid chun cinneadh dul ar aghaidh chuig an gcéad sampla eile.
- Más féidir é, ba chóir go ndéanfaí plé ar dhá shampla ar a laghad i gcomhair gach tuairiscín agus ba chóir don éascaitheoir a chinntiú go ndéantar plé ar shampla amháin ar a laghad ó gach múinteoir le linn an chruinnithe.
- Déantar an próiseas seo arís, ar a sheal, agus na samplaí a mheastar faoi Ag teacht leis na hionchais, Os cionn na n-ionchas agus Thar barr ar fad a bheith á bplé agus á roinnt sa ghrúpa. Ag deireadh an chruinnithe, déanann an t-éascaitheoir achoimre ar na príomhphointí a d'eascair as an bplé.

<p><b>Cad é a d'fhéadfaimis a dhéanamh chun go mbeadh rath ar an eispéireas AFMÁ?</b></p>	<p><b>Cad iad na dúshláin fhéideartha?</b></p>
---	--

## Iniúchadh ar Scileanna Pearsanta Éascaithe

*Déan machnamh ar na scileanna éascaithe thíos agus rangaigh do leibhéal muiníne reatha ag úsáid scála 1 go 5.*

1	2	3	4	5
Mímhuiníneach	Measartha muiníneach		An-mhuiníneach	
Scil Éascaithe	Mo Rátáil			
			Roimhe	Ina dhiaidh
An mbeifeá muiníneach go leor ag oscailt an chruinnithe, ag soiléiriú an chuspóra agus ag socrú modhanna oibre le chéile				
Sciliúil ag éisteacht go gníomhach, ag tabhairt athleagain agus achoimre ar na príomhpointí				
Ábalta am a bhainistiú agus luas maith a choimeád				
Ábalta cruinnithe a reáchtáil ar bhealach ordúil agus éifeachtach				
Eolach ar theicnící chun rannpháirtíocht ghníomhach a mhealladh agus plé a spreagadh				
Muiníneach chun ceisteanna géara a chur a thugann dúshlán do thiomhdí féin agus cinn daoine eile ar dhóigh neamhbhagrach				
Ábalta an ghníomhaíocht a stopadh agus seiceáil conas atá rudaí ag dul ar aghaidh				
Ábalta díospóireacht a bhainistiú idir rannpháirtithe agus aird a choinneáil ar an tasc				
Ábalta déileáil le cur i gcoinne ar bhonn neamhchosantach				

<i>Cad iad na láidreachtaí a d'aithin mé?</i>	<i>Cad iad na réimsí a d'fhéadfainn a fhorbairt?</i>

## Ceistiú Éifeachtach

Amanna cuirtear as do dhaoine de thaisme sa dóigh a gcuirtear an cheist. Is tábhachtach smaoineamh conas a chuireann tú ceisteanna chun freagraí a mhealladh.

Seo roinnt ceisteanna is fiú a úsáid:

- Inis dúinn níos mó faoi sin...
- Cad é a d'oibrigh go maith anseo i dtaca leis na Gnéithe Cáilíochta?
- Cad iad na láidreachtaí a bhaineann leis an bþiosa oibre seo?
- Cad iad na codanna san obair seo a thioctadh a fhorbairt?
- Conas a d'fhéadfaí an obair seo a fheabhsú?

## SCÓIP (SCOPE)



**Stad:** Má mheasann tú go bhfuil an plé imithe chun siobarnaí, ná bíodh eagla ort stad a chur leis an gcruinniú agus aghaidh dhíreach a thabhairt ar a bhfuil ag tarlú. Mar is faide a ligtear do dheacracht carnadh léi, mar is deacra a éiríonn sé í a láimhseáil. Ná ceap gur gá duit rud ar bith a rá ná freagairt do rud láithreach bonn. Is rud an-chumhachtach é ciúnas a cheadú agus beidh tú ag léiriú go bhfuil tú muiníneach mar éascaitheoir.

**Soiléirigh:** B'fhiú roinnt ceisteanna a chur chun a oibriú amach cad é atá ag tarlú agus cén fáth. Sin nó b'fhéidir gur leor nóiméad a thabhairt duit féin go bhfeice tú cad é atá ag titim amach. An bhfuil na rannpháirtithe trína chéile leis an bpróiseas? An bhfuil bundeacracht níos mó ann i dtaca leis an bpróiseas? An amhlaidh gur thit an fhoireann siar i muinín a seanmhodhanna oibre?

**Eagraigh:** Nuair a bheidh nóiméad glactha agat le brí a bhaint as a bhfuil ag tarlú, is ansin is fearr a chinnfidh tú conas déileáil leis an gcás. Ar na cuir chuige is féidir a úsáid áirítear: soiléiriú simplí, na noirm a chur i gcuimhne do na rannpháirtithe, ceisteanna a bhreacadh síos le haghaidh plé ag an gcéad chruinniú roinne eile, a iarraidh ar dhaoine eile a ndearcadh a thabhairt. Más rud é gur éirigh an plé ar thopaic áirithe an-teasaí agus gur deacair teacht ar chomhréiteach, b'fhiú a mholadh go gcuirfí an topaic 'ar an méar fhada' agus teacht ar ais chuige níos moille.

**Lean ar aghaidh:** Nuair a bheidh nóiméad glactha agat chun cúrsaí a shoiléiriú agus a eagrú, beidh tú réidh le dul ar aghaidh. Baintear úsáid as frásaí ar nós "Sílim go bhfuil míthuiscint éigin ann faoin rud a ba chóir dúinn a dhéanamh go díreach anois. B'fhéidir nach raibh an rud a dúirt mé soiléir, mar sin rachaidh mé tríd an bpróiseas arís" nó "Tuigim, a Sheáin, go mbíonn a lán dúshlán ag baint leis na ranganna dara bliain agat, agus measaim gur chóir dúinn ceist bainistíocht iompair a chur ar an gclár don chead chruinniú eile. Ach tá mé ag smaoineamh ar chúrsaí ama agus is é an cuspóir atá le cruinniú an lae inniu ..." nó "Is iontach a fheiceáil cad é chomh tógtha agus atá gach duine leis an bpróiseas ach an cuimhin libh gur aontaigh muid ag an tús gan cur isteach ar a chéile mar sin an dtig liom iarraidh oraibh cloí leis an socrú sin, le bhur dtoil?"

**Fiosraigh an dul chun cinn:** Agus tú i d'éascaitheoir, ní mór duit fanacht i gcónaí ar aire agus athbhreithniú leanúnach a dhéanamh ar dhul chun cinn an ghrúpa.

Arna chur in oiriúint ó Mike Clayton *Handling Resistance Pocket Book* agus ó David Allen agus Tina Blythe *Facilitating for Learning; tools for teacher groups of all kin*

## Cruinniú AFMÁ á Chur i nGníomh: Foghlaim Ghairmiúil

Breathnaí ar an bhfíseán seo a leanas de chruinniú AFMÁ ag titim amach agus breac síos do chuid machnaimh ar an bplé a deineadh anocht sna spásanna thíos:

Mo Chuid Tuairimí	Tuairimí na nDaoine Eile

## Tar éis an Chruinnithe AFMÁ

Tar éis an chruinnithe, déanann gach múinteoir machnamh ar an measúnú a rinne siad ar obair a gcuid scoláirí bunaithe ar thorthaí an chruinnithe agus, nuair is gá, déanann na coigeartuithe cuí ar a gcuid measúnuithe sealadacha. Tar éis an chruinnithe don Athbhreithniú ar Fhoghlaim agus ar Mheasúnú Ábhair, tiomsaíonn an t-éascaitheoir a thuairisc ón gcruinniú, ina ndírítear ar thorthaí an phlé ar obair scoláirí ag an gcruinniú, agus seolann sé ar aghaidh chuig príomhoide na scoile í.

Is féidir leis an éascaitheoir a iarraidh freisin ar mhúinteoirí, más mian leo, roinnt de shaothar na scoláirí a chur isteach i dtaisce samplaí:

- Chun cabhrú le múinteoirí nua a ionduchtú
- Chun tacú le cruinnithe don Athbhreithniú ar Fhoghlaim agus ar Mheasúnú Ábhair amach anseo
- Le húsáid le scoláirí agus le tuismitheoirí agus an caighdeán oibre a baineadh amach á thaispeáint

Moltaí ó <https://www.ncca.ie/ga/an-tsraith-sh%C3%B3isearach/meas%C3%BAan%C3%BA-agus-tuairisci%C3%BA/cruinnithe-afm%C3%A1>

***Conas is féidir leis an bhfoghlaim ón bpróiseas AFMÁ cabhrú lenár gcleachtas mar mhúinteoirí agus lenár roinn ábhair san am atá le teacht?***



## Cruinniú AFMÁ: Roimhe, Lena Linn agus Ina Dhiaidh

### Roimh an gCruinniú AFMÁ

#### Dualgas na múinteoirí

- Obair scoláirí a mheas de réir na nGnéithe Cáilíochta
- Breathnú ar shamplaí cuí anótáilte de chuid CNCM mar is gá ([www.curriculumonline.ie](http://www.curriculumonline.ie))
- Taifead scríofa a dhéanamh ar an tuairiscín agus ar aon phointe ábhartha eile a d'fhéadfadh a bheith úsáideach tagairt dó le linn an chruinnithe AFMÁ
- Sampla amháin a shonrú, nuair is féidir, do gach tuairiscín, atá le húsáid ag an gcruinniú AFMÁ
- Sonraí ar shamplaí oibre atá roghnaithe agat le haghaidh plé a chur isteach chuig an éascaitheoir roimh an gcruinniú AFMÁ

#### Dualgas an éascaitheora

- Samplaí oibre a thugann múinteoirí isteach a bhailiú agus a chóipeáil
- Ord reatha a shocrú don chruinniú AFMÁ
- Dhá phársa ag leibhéal gach tuairiscín a roghnú le plé ag an gcruinniú, más ann dóibh. (8 bpársa oibre .i. saothar ochtar scoláire ar fad)

### Le linn an Chruinnithe AFMÁ

#### Dualgas na múinteoirí

- Sampla amháin a chur i láthair ag an leibhéal “Níor chomhlíon na hionchais go fóill”
- Athbhreithniú a dhéanamh ar an bpársa oibre i gcomhar le chéile
- Breithiúnas oibiachtúil a dhéanamh ar na pársaí oibre i dtaca leis na nGnéithe Cáilíochta
- Nóta a bhreacadh de na himpleachtaí a bhaineann le cinntí a dhéantar le linn an chruinnithe
- Díriú ar chur chuige ‘na rogha is oiriúnaí’ a ligeann do mhúinteoirí aontú ar na tuairiscíní is fóirsteanaí ‘ar an iomlán’ don obair atá á plé
- An próiseas a leanúint, ar a sheal, i gcomhair sampla ag leibhéal na dtuairiscíní eile go léir

#### Dualgas an éascaitheora

- Tús a chur leis an gcruinniú trí bhéim a chur ar leanúnachas breithiúnais agus ar chomhthuiscint faoi cháilíocht / chaighdeán foghlama na scoláirí
- Tábhacht an chruinnithe a lua i dtaca leis an aiseolas a thabharfar do scoláirí
- An plé ginearálta a threorú i dtaca le samplaí oibre agus le tuairiscíní agus nóta a ghlacadh de na cinntí a dhéantar
- Iarracht a dhéanamh teacht ar chomhaontú ach díriú mar sin féin ar eolas agus ar scileanna gairmiúla a fhorbairt
- Deis a thabhairt do gach múinteoir pársa oibre amháin a chur faoi bhráid an chruinnithe, más féidir

### Tar éis an chruinnithe AFMÁ

#### Dualgas na múinteoirí

- Meabhrú/athbhreithniú ar an measúnú a rinne siad ar obair a gcuid scoláirí i bhfianaise an chruinnithe AFMÁ
- A dtuairiscíní deiridh a sheoladh isteach i gcomhair gach scoláire
- An tuairiscín deiridh a roinnt leis an scoláire chomh luath agus is féidir tar éis an chruinnithe
- An toradh a thuairisciú don tuismitheoir/chaomhnóir ag cruinniú tuistí/múinteoirí nó trí ghnáththuairisc scoile

#### Dualgas an éascaitheora



Déan an cód MF a scanadh chun teacht ar Fhoireann Uirlisí AFMÁ an CNCM

Tuairisc an Éascaitheora a thiomsú agus a chur ar aghaidh chuig an bPríomhoide Machnamh a dhéanamh ar nithe a d'oibrigh go maith agus / nó ar rudaí a d'fhéadfaí a fheabhsú sa chéad chruinniú AFMÁ eile.

D'fhéadfadh an tÉascaitheoir a iarraidh ar mhúinteoirí freisin, dá mba mhaith leo, roinnt dá gcuid samplaí de shaothar scoláirí a chur le taisce samplaí:

- Chun cabhrú le múinteoirí nua a ionductú
- Chun tacú le cruinnithe in Athbhreithniú ar Fhoghlaim agus ar Mheasúnú Ábhair amach anseo
- Le húsáid le scoláirí agus le tuismitheoirí agus an caighdeán oibre a baineadh amach á thaispeáint

## Tuairisc an Éascaitheora

### *Cruinniú don Athbhreithniú ar Fhoghlaim agus ar Mheasúnú Ábhair*

Ábhar:	Dáta / Am
Tinreamh	
Príomhchinntí a rinneadh	
Pointí le cur san áireamh do chruinnithe athbhreithnithe eile amach anseo	
Aon torthaí eile?	
Éascaitheoir:	
Dáta:	

## Ag Plé Obair Scoláirí le linn Cruinnithe AFMÁ

Iarrann an tÉascaitheoir ar bhall amháin foirne sampla a chur i láthair d'obair a mheas siad **Nár chomhlíon na hionchais go fóill**

An **Múinteoir** atá ag cur an phíos a i láthair déanann sé cur síos achomair ar an sampla oibre agus cuireann an t-éascaitheoir tús le plé ginearálta ar an méid atá obair an scoláire ag teacht leis na **Gnéithe Cáilíochta** cuí. Sa phlé sin, beidh ionchur ó gach ball den fhoireann agus beidh sé **bunaithe ar na Gnéithe Cáilíochta**. Agus breithiúnais á ndearbhú le linn an chruinnithe AFMÁ, ba chóir gur ar an gcur chuige **'is fearr a oireann'** a chuirfí an bhéim chun deis a thabhairt do mhúinteoirí a aontú cé acu Tuairiscín is oiriúnaí **'ar an iomlán'** maidir leis an obair atáthar a phlé.

Ba chóir go mbeadh an tÉascaitheoir ag iarraidh ar pháirtithe **teacht ar chomhaontú** le linn an phlé ar shamplaí ach is ceart an bhéim a chur ar **eolas gairmiúil agus scileanna múinteoirí a fhorbairt** seachas ar gach duine a bheith d'aon ghuth faoi gach Gné Cáilíochta i ngach sampla. Moltar go mór do mhúinteoirí sa Roinn Ábhair an cruinnithe AFMÁ a úsáid chun comhoibriú a fhorbairt agus chun díriú ar theagasc, ar mheasúnú agus ar fhoghlaim.

Nuair a bhíonn **comhaontú** ann agus nuair a dhearbhaíonn an cruinnithe an measúnú sealadach, **breacann an t-éascaitheoir é sin síos i dTuairisc an Chruinnithe**.

Sa chás **nach n-aontaítear**, is ceart don éascaitheoir **tagairt a dhéanamh do shamplaí anótáilte d'obair scoláirí a chuir an CNCM ar fáil** agus, más féidir é, sampla eile d'obair scoláirí a ndearna múinteoirí eile sa ghrúpa measúnú air agus ar bronnadh an tuairiscín sin air.

Cé gur chóir tréimhse réasúnta ama a chaitheamh ar an bplé, **ba chóir don Éascaitheoir a bhreithiúnas gairmiúil féin a úsáid chun cinneadh dul ar aghaidh chuig an gcéad sampla eile**.

Ba chóir don Éascaitheoir plé comhoibríoch a spreagadh agus cabhrú le trácht ar theagasc, ar mheasúnú agus ar fhoghlaim. Seans gurbh fhiú píosa oibre a chur 'ar an méar fhada' má chuidíonn sé sin leis an bplé a chur chun cinn. Más féidir é, ba chóir go ndéanfaí plé ar dhá shampla ar a laghad i gcomhair gach tuairiscín agus ba chóir don éascaitheoir a chinntiú go ndéantar plé ar shampla amháin ar a laghad ó gach múinteoir le linn an chruinnithe.

Déantar an próiseas seo arís, ar a sheal, agus na samplaí a mheastar faoi **Ag teacht leis na hionchais, Os cionn na n-ionchas agus Thar barr ar fad** a bheith á bplé agus á roinnt sa ghrúpa.

Ag deireadh an chruinnithe, déanann an t-éascaitheoir acoimre ar na príomhphointí a d'éascair as an bplé. Tá sé tábhachtach go ndéanfaidh **gach múinteoir nóta d'impleachtaí na gcinntí a rinneadh le linn an chruinnithe** don chuid eile d'obair an scoláire a rinne siad a mheas cheana, go háirithe i gcás tuairiscíní nach raibh a mbreithiúnas féin ag teacht leis an tuairim a bhí ag bunús na múinteoirí ag an gcruinnithe. Ba chóir go mbreacfaidh na múinteoirí síos nóta den **aiseolas a chabhródh le foghlaim scoláirí** amach anseo.

Arna oiriúint ó <https://www.ncca.ie/ga/an-tsraith-sh%C3%B3isearach/meas%C3%BAan%C3%BA-agus-tuairisci%C3%BA/cruinnithe-afm%C3%A1>



An Chomhairle Náisiúnta Curaclaim agus Measúnachta  
National Council for Curriculum and Assessment

## Dátaí tábhachtacha do na Measúinthe Rangbhunaithe in 2019/2020

Tugtar thíos an tréimhse inar féidir le scoileanna Measúinthe Rangbhunaithe, cruinnithe AMFÁ agus Tascanna Measúnaithe (más cuí) a chur i gcrích. Caithfeadh na Measúinthe Rangbhunaithe a chur i gcrích sa tréimhse shannta (m.sh. trí seachtaine, ceithre seachtaine) a shonraítear sna Treoirínte Measúnaithe do gach ábhar. Ba cheart go mbeadh an cruinniú AMFÁ ar siúl taobh istigh de mhí den Mheasúnú Rangbhunaithe a chur i gcrích.

### Cohórt scoláirí 2017–2020 (sa tríú bliain)

Measúinthe Rangbhunaithe agus Tasc Measúnaithe (más cuí) le haghaidh Bhéarla, Eolaíocht, Staidéar Gnó, Nuatheangacha Iasachta, Amharc-ealaín agus Ghaeilge na Sraithe Sóisearaí

Measúnú Rangbhunaithe 1: <b>Gaeilge</b> - an dáta chun an phunann a chur i gcrích	Dé hAoine, 22 Samhain 2019
An dáta deiridh a mbronnfaidh an múinteoir tuairisceoirí sealadacha	Dé hAoine, 29 Samhain 2019
An dáta deiridh chun an tAthbhreithniú ar Fhoghlaim agus ar Mheasúnú Ábhair a chur i gcrích agus an dáta deiridh a mbronnfaidh an múinteoir tuairisceoirí deiridh	Dé hAoine, 6 Nollaig 2019
Measúnú Rangbhunaithe 2: <b>Amharc-ealaín</b> - an tréimhse ina gcaithfeadh é a chur i gcrích	Dé Luain, 9 Meán Fómhair 2019 – Dé hAoine, 29 Samhain 2019
An dáta deiridh a mbronnfaidh an múinteoir tuairisceoirí sealadacha	Dé hAoine, 6 Nollaig 2019
An dáta deiridh chun an tAthbhreithniú ar Fhoghlaim agus ar Mheasúnú Ábhair a chur i gcrích agus an dáta deiridh a mbronnfaidh an múinteoir tuairisceoirí deiridh	Dé hAoine, 13 Nollaig 2019
Measúnú Rangbhunaithe 2: <b>Eolaíocht, Staidéar Gnó</b> - an tréimhse ina gcaithfeadh é a chur i gcrích	Dé Luain, 18 Samhain 2019 – Dé hAoine, 13 Márta 2020
Measúnú Rangbhunaithe 2: <b>Béarla, Nuatheangacha Iasachta</b> - an dáta is luaithe chun é a bhailiú/chun an phunann a chur i gcrích - an dáta deiridh chun é a bhailiú/chun an phunann a chur i gcrích	Dé hAoine, 6 Nollaig 2019 Dé hAoine, 13 Márta 2020
Measúnú Rangbhunaithe 2: <b>Gaeilge</b> - an tréimhse ina gcaithfeadh é a chur i gcrích	Dé Luain, 6 Eanáir 2020 – Dé hAoine, 13 Márta 2020
An dáta is luaithe chun an Tasc Measúnaithe a thosú	Dé Luain, 6 Eanáir 2020
An dáta deiridh chun an Tasc Measúnaithe a chur i gcrích	Dé Luain, 23 Márta 2020
An dáta deiridh a mbronnfaidh an múinteoir tuairisceoirí sealadacha	Dé hAoine, 27 Márta 2020
An dáta deiridh chun an tAthbhreithniú ar Fhoghlaim agus ar Mheasúnú Ábhair a chur i gcrích agus an dáta deiridh a mbronnfaidh an múinteoir tuairisceoirí deiridh	Dé hAoine, 3 Aibreán 2020

### Cohórt scoláirí 2018–2021 (sa dara bliain)

Measúnú Rangbhunaithe 1 le haghaidh Bhéarla, Eolaíocht, Staidéar Gnó, Nuatheangacha Iasachta, Amharc-ealaín, Mhatamaitic, Cheol, Stair, Thíreolaíocht, Eacnamaíocht Bhaile na Sraithe Sóisearaí

Measúnú Rangbhunaithe 1: <b>Béarla, Eolaíocht, Staidéar Gnó, Nuatheangacha Iasachta, Amharc-ealaín, Matamaitic, Stair, Tíreolaíocht</b> - an tréimhse ina gcaithfeadh é a chur i gcrích	Dé Luain, 6 Eanáir 2020 – Dé hAoine, 15 Bealtaine 2020
Measúnú Rangbhunaithe 1: <b>Ceol</b> - an dáta deiridh chun an phunann a chur i gcrích	Dé hAoine, 15 Bealtaine 2020
Measúnú Rangbhunaithe 1: <b>Eacnamaíocht Bhaile</b> - an tréimhse ina gcaithfeadh é a chur i gcrích	Dé Luain, 4 Samhain 2019 – Dé hAoine, 15 Bealtaine 2020
An dáta deiridh a mbronnfaidh an múinteoir tuairisceoirí sealadacha	Dé Céadaoin, 20 Bealtaine 2020
An dáta deiridh chun an tAthbhreithniú ar Fhoghlaim agus ar Mheasúnú Ábhair a chur i gcrích agus an dáta deiridh a mbronnfaidh an múinteoir tuairisceoirí deiridh	Dé Céadaoin, 27 Bealtaine 2020

<sup>1</sup> Tá tréimhse 14 seachtaine ar fáil do Mheasúnú Rangbhunaithe 1 san Amharc-ealaín, agus eiseoidh CNCM téamaí an 6 Eanáir 2020.

Ar fáil ag: <https://www.curriculumonline.ie/getmedia/22cddb55-df21-4068-95f7->

## Obair Scoláire i gcomhair Cruinniú AFMÁ: Teimpléad Múinteora

Ba chóir do gach múinteoir sa dara bliain ceithre shampla d'obair na scoláirí a chur isteach le haghaidh an chruinnithe don Athbhreithniú ar Fhoghlaim agus ar Mheasúnú Ábhair. Nuair is féidir é, ba chóir go mbeadh **sampla de gach ceann de na ceithre leibhéal tuairiscíní** le fáil sna samplaí sin. Úsáidfear an t-eolas chun ord reatha a chruthú le haghaidh an chruinnithe don Athbhreithniú ar Fhoghlaim agus ar Mheasúnú Ábhair (AFMÁ) a bheidh againn. Ó tharla go mb'fhéidir nach mbeidh an t-am againn na samplaí uile a phlé, uimhrigh na píosaí atá agat ó 1 – 4. Ba chóir gurb í uimhir a 1 an sampla is mó a ba mhaith leat a phlé.

Seol do shamplaí chugam, le do thoil, le cóip den teimpléad seo roimh \_\_\_\_\_

**Ainm an Mhúinteora:** \_\_\_\_\_

**Rang-ghrúpa:** \_\_\_\_\_

<b>Sampla 1</b>	<p><b>Formáid:</b> _____ <b>Sampla á Roinnt trí:</b> _____</p> <p><b>Topaic/Teideal:</b> _____</p> <p><b>Tuairiscín Sealadach:</b> _____</p> <p><b>Rogha Tuairiscín is fearr ag AFMÁ:</b> <input type="checkbox"/></p>
<b>Sampla 2</b>	<p><b>Formáid:</b> _____ <b>Sampla á Roinnt trí:</b> _____</p> <p><b>Topaic/Teideal:</b> _____</p> <p><b>Tuairiscín Sealadach:</b> _____</p> <p><b>Rogha Tuairiscín is fearr ag AFMÁ:</b> <input type="checkbox"/></p>
<b>Sampla 3</b>	<p><b>Formáid:</b> _____ <b>Sampla á Roinnt trí:</b> _____</p> <p><b>Topaic/Teideal:</b> _____</p> <p><b>Tuairiscín Sealadach:</b> _____</p> <p><b>Rogha Tuairiscín is fearr ag AFMÁ:</b> <input type="checkbox"/></p>
<b>Sampla 4</b>	<p><b>Formáid:</b> _____ <b>Sampla á Roinnt trí:</b> _____</p> <p><b>Topaic/Teideal:</b> _____</p> <p><b>Tuairiscín Sealadach:</b> _____</p> <p><b>Rogha Tuairiscín is fearr ag AFMÁ:</b> <input type="checkbox"/></p>

## Beartais Úsáide Inghlactha agus Obair Scoláirí a Stóráil

Le linn a dturais ar an tSraith Shóisearach, is féidir le scoláirí obair a dhéanamh iad féin agus í a stóráil ar líne nó thíocfadh lena múinteoirí í a thaifead agus a stóráil. Sa Staidéar Gnó, tarlaíonn sé sin mar shampla mar chuid de MRB 2, an Cur i Láthair. Sa Bhéarla, is mar chuid den MRB i gCumarsáid ó Bhéal a tharlaíonn sé.

I ngach cás ní mór do mhúinteoirí agus do scoileanna gníomhú de réir Pholasaí um Úsáid Inghlactha (PÚI) na scoile. Is gá go gcuirfí san áireamh in PÚI na scoile na treoirí maidir le sonraí agus cosaint leanaí. Bíonn ról le himirt ag Boird Bhainistíochta, Bainistíocht Scoile agus foireann teagaisc i dtaca le hobair scoláirí a chlárú agus a stóráil go sábháilte.

Leagtar amach i Rannóg 1.13.2 de Nósanna Imeachta um Chosaint Leanáí na dualgais i ndáil le ‘rialaitheoirí sonraí’ agus luaitear inti i dtaobh na nAchtanna 1988 agus 2003 um Chosaint Sonraí “go n-éilítear ar rialaitheoirí sonraí agus ar phróiseálaithe sonraí araon na sonraí a bhíonn á gcoimeád acu a chosaint, agus leagtar dualgas speisialta cúraim orthu i ndáil leis na daoine aonair a gcoimeádann siad sonraí ina dtaobh.” (I 12). Pléitear le roinnt Ceisteanna Coitianta maidir le PÚInna ag <https://www.webwise.ie>

Taifeadfar samplaí de Chumarsáid ó Bhéal na scoláirí a úsáidfeair i gcomhair plé ag na cruinnithe Athbhreithnithe ar Fhoghlaim agus ar Mheasúnú Ábhair. Teastóidh sampla ó gach ceann de cheithre leibhéal na dtuairisceoirí, nuair is féidir, chun na críche sin. Féadfar aon fhearas taifeadta fuaimne nó closamhairc atá ar fáil sa scoil, ar nós táibléid, fón póca, ríomhaire glúine nó físciamara, a úsáid chun na críche sin. Ba chóir aird a thabhairt ar threoirí cosanta leanaí fad is atá an taifeadadh ar siúl agus go mbeadh sé ag teacht le beartas úsáide inghlactha na scoile.

*Treoirí Measúnaithe Nuatheangacha Iasachta na Sraithe Sóisearaí, lch 17*

Teachers’ professional judgement underpinned by a good understanding of the Features of Quality, with knowledge of the students’ strengths and areas for development, will be important factors in identifying the sample of students to be recorded. Any audio or audio-visual recording device, such as a tablet, mobile phone, laptop or video camera, available in the school can be used. School rather than personal devices should be used. The recording should take place with cognisance of child protection guidelines and in line with the school’s acceptable use and GDPR policies.

*Junior Cycle English Assessment Guidelines, lch 17*

I roinnt cásanna, d’fhéadfadh sé gur ghá obair na scoláirí, arna forbairt mar chuid de phróiseas an MRB, a thaifeadadh agus/nó a stóráil ar líne. Mar shampla, déanfaidh múinteoirí samplaí a thaifeadadh de chuir i láthair a bheadh déanta ag scoláirí, rud a úsáidfeair le haghaidh a phléite ag na cruinnithe um Athbhreithniú ar Fhoghlaim agus ar Mheasúnú Ábhair.

I ngach cás, agus obair na scoláirí á taifeadadh agus á stóráil, tá de cheangal ar mhúinteoirí agus scoileanna gníomhú i gcomhréir leis an Rialachán Ginearálta maidir le Cosaint Sonraí (GDPR), atá i bhfeidhm ó bhí an 25 Bealtaine 2018 ann, agus le riachtanais i dtaca le cosaint leanaí.



*Ciorcláin 55/2019, lch 18*

***Déan an cód MF a scanadh chun teacht ar shuíomh gréasáin Webwise le haghaidh tuilleadh eolais ar Pholasaíthe Úsáide Inghlactha agus an Rialachán Ginearálta maidir le Cosaint Sonraí (RGCS).***

## Éascaitheoir AFMÁ: Plean Gnímh agus Nótaí

Gníomhphointe / Tuairim	Tacaíocht do mo Ról mar Éascaitheoir	Tacaíocht don Ábhar / Fhoghlaim Ghairmiúil

## Suíomhanna Gréasáin ar Tagraíodh dóibh sa Cheardlann



[www.jct.ie](http://www.jct.ie) suíomh gréasáin Sheirbhís Tacaíochta na Sraithe Sóisearaí do Mhúinteoirí. Ar leathanach lamairne gach ábhair, feicfidh tú tíl chorcra dar teideal ‘Measúnú’. Is anseo a gheobhaidh tú **na hacmhainní agus ábhar tacaíochta atá sainiúil don ábhar** i dtaca le AFMÁna.

[www.curriculumonline.ie](http://www.curriculumonline.ie) suíomh gréasáin CNCM Is anseo a gheobhaidh tú **sonraíochtaí na n-ábhar, Treoirlínte Measúnaithe** agus **samplaí anótáilte de shaothar scoláirí**.

[www.ncca.ie](http://www.ncca.ie) Ar shuíomh gréasáin CNCM tiocfaidh tú ar **na hUirlisí Measúnaithe** don tSraith Shóisearach. Tá réimse tacaí, comhairle agus treoirlínte measúnaithe le fáil san fhoireann uirlisí a chabhróidh le scoileanna agus le múinteoirí dul i ngleic le gach gné den chóras measúnaithe (AFMÁ ina measc) ar bhealach eolasach le muinín agus le cinnteacht.

## Nótaí